

4202182310006, broj transakcijskog računa 1610000153320054 otvoren kod Raiffeisen bank dd Bosna i Hercegovina, u svrhu realizacije kulturno-umjetničkog događaja - koncerta hrvatskog benda Kiklop u Sarajevu;

- iznos od 1.000,00 KM Udruženju studenata elektrotehnike Evrope EESTEC Lokalni komitet Sarajevo, ul. Zmaja od Bosne bb, Sarajevo, ID broj 4201231170006, broj transakcijskog računa 1610000062360050 otvoren kod Raiffeisen bank dd Bosna i Hercegovina, u svrhu održavanja sajma zapošljavanja "JobFAIR '25 - Iskoristi svoju šansu!".

III

Sa korisnicima sredstava iz tačke II Kabinet premijera će zaključiti ugovor kojim će se precizirati međusobna prava i obaveze ugovornih strana.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02/01-11-10240-8/25

18. augusta 2025. godine

Sarajevo

Premijer

Nihad Uk, s. r.

Ministarstvo za rad, socijalnu politiku, raseljena lica i izbjeglice Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 22. stav (1) tačka d) i 23. Zakona o zaštiti na radu ("Službene novine Federacije BiH", broj 79/20) i Akta o procjeni rizika na radnim mjestima i mjestima rada u radnoj okolini, broj 049-25-APR/24 od 25.04.2024. godine, ministrica za rad, socijalnu politiku, raseljena lica i izbjeglice Kantona Sarajevo, donosi

PRAVILNIK

O ZAŠTITI NA RADU MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE KANTONA SARAJEVO

POGLAVLJE I - OSNOVNE ODREDBE

Član 1.

(Predmet Pravilnika)

Ovim pravilnikom se utvrđuje organizacija i provođenje zaštite na radu u Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), lica na koja se odnosi sistem zaštite i sigurnosti na radu, pravila prevencije i zaštite, poslovi s povećanim rizikom, poslovi na kojima se provodi mjera skraćivanja radnog vremena, način utvrđivanja zdravstvenog stanja radnika koji rade na poslovima s povećanim rizikom, i drugih radnika, sredstva i oprema lične zaštite koja pripadaju radniku, te prava i obaveze i odgovornosti radnika za zaštitu na radu i drugih radnika u ovoj oblasti, kao i druga pitanja od značaja za sigurnost i zaštitu zdravlja na radu.

Član 2.

(Definisanje pojmova)

Pojmovi i izrazi koji se koriste u ovom pravilniku imaju isto značenje određeno Zakonom o zaštiti na radu ("Službene novine Federacije BiH", broj 79/20) (u daljem tekstu: Zakon) i

podzakonskim propisima donesenim na osnovu navedenog zakona.

Član 3.

(Rodna ravnopravnost)

Izrazi koji su u ovom pravilniku, radi preglednosti, navedeni u jednom gramatičkom rodu, bez diskriminacije se odnose i na muški i na ženski rod.

Član 4.

(Lica na koja se odnosi sistem zaštite i sigurnosti na radu)

- (1) Ministar, državni službenici, namještenici i druga lica koja se po bilo kojem osnovu nalaze na radu u Ministarstvu imaju pravo da rade pod uslovima koji osiguravaju potpunu zaštitu i sigurnost na radu i dužni su da organiziraju i unapređuju zaštitu i sigurnost na radu.
- (2) Prava, obaveze i odgovornosti koji se odnose na sistem zaštite i sigurnosti na radu imaju:
 - a) ministar, državni službenici i namještenici Ministarstva;
 - b) sva lica koja se po bilo kojem osnovu nalaze na radu u Ministarstvu;
 - c) pripravnici, volonteri, lica angažirana na osnovu ugovora o obavljanju privremenih i povremenih poslova, te druga lica na stručnom osposobljavanju.

POGLAVLJE II - ORGANIZACIJA PROVOĐENJA ZAŠTITE NA RADU

Član 5.

(Obavljanje poslova zaštite na radu)

- (1) Ministarstvo samostalno obavlja poslove zaštite na radu na mjestima rada u ul. Reisa Džemaludina Čauševića broj 1 Sarajevo, (u kancelarijama br. 26, 27, 28, 29, 30, 136, 137 i 308) i u ul. Branilaca Sarajeva broj 21 Sarajevo, (u kancelarijama br. 308, 309, 310, 311, 312 i 313), u skladu sa Zakonom o zaštiti na radu, Pravilnikom o načinu i uslovima obavljanja poslova zaštite na radu kod poslodavca ("Službene novine Federacije BiH", broj 34/21) i drugim propisima kojima se uređuje oblast zaštite na radu, i u skladu sa Aktom o procjeni rizika na radnim mjestima i mjestima rada u radnoj okolini, broj 049-25-APR/24 od 25.04.2024. godine (u daljem tekstu: Akt o procjeni rizika).
- (2) Stručna služba za zajedničke poslove za potrebe Ministarstva vrši poslove obezbjeđenja zgrade sjedišta Ministarstva, kao i poslove održavanja i korištenja voznog parka, poslove održavanja čistoće i protivpožarne zaštite, poslove održavanja i zagrijavanja kancelarijskih prostorija, shodno Uredbi o osnivanju Stručne službe za zajedničke poslove ("Službene novine Kantona Sarajevo", broj 31/23).
- (3) Prilikom organizovanja poslova zaštite na radu Ministarstvo vodi računa o broju radnika koji je utvrđen Pravilnikom o unutrašnjoj organizaciji Ministarstva za rad, socijalnu politiku, raseljena lica i izbjeglice Kantona Sarajevo ("Službene novine Kantona Sarajevo", br. 32/22, 37/22, 32/23, 42/23, 51/23 i 18/25) (u daljem tekstu: Pravilnik o unutrašnjoj organizaciji), broju lokacija odvojenih mjesta rada, opasnostima i rizicima po zdravlje radnika.
- (4) Pri obavljanju poslova zaštite na radu Ministarstvo osigurava takve uslove na radu kojima se u najvećoj mogućoj mjeri sprječava nastanak povreda na radu, profesionalnih oboljenja i oboljenja u vezi sa radom i koji

stvaraju pretpostavke za punu psihičku, fizičku i socijalnu sigurnost zaposlenih.

POGLAVLJE III - PROCJENA RIZIKA I UTVRĐIVANJE POSLOVA SA POVEĆANIM RIZIKOM

Član 6.

(Procjena rizika)

- (1) Ministarstvo vrši procjenu rizika za svako radno mjesto i mjesta rada u radnoj okolini.
- (2) Akt o procjeni rizika izrađuje, dopunjava i mijenja ovlaštena organizacija koja ima dozvolu Federalnog ministarstva rada i socijalne politike za obavljanje ove vrste poslova.
- (3) Ministarstvo je obavezno osigurati sve uslove i potrebnu dokumentaciju za izvršavanje procjene rizika za svako radno mjesto.

Član 7.

(Poslovi s povećanim rizikom i poslovi na kojima se provodi mjera skraćivanja radnog vremena)

Na osnovu Pravilnika o unutrašnjoj organizaciji i Akta o procjeni rizika u Ministarstvu ne postoje poslovi s povećanim rizikom, niti poslovi na kojima se provodi mjera skraćivanja radnog vremena.

POGLAVLJE IV - PRAVILA PREVENCIJE I ZAŠTITE NA RADU

Član 8.

(Načela u provođenju mjera zaštite na radu)

Prilikom provođenja mjera zaštite na radu Ministarstvo poštuje opća načela prevencije propisana članom 21. Zakona o zaštiti na radu.

Član 9.

(Provođenje mjera prevencije i zaštite na radu)

- (1) Ministarstvo će radnika neposredno prije stupanja na rad, usmeno upoznati sa mjerama sigurnosti i zaštite na radu, a zaposlenu ženu za vrijeme trudnoće i dojenja kao i radnika sa promijenjenom radnom sposobnošću će obavijestiti pismenim putem.
- (2) Radnik ne može zasnovati radni odnos ukoliko prethodno nije utvrđeno da njegovo zdravstveno stanje i psihofizičke sposobnosti odgovaraju uvjetima rada i zahtjevima radnog mjesta.
- (3) Zdravstveno stanje i psihofizičke sposobnosti radnika iz stava (1) ovog člana se utvrđuju na osnovu ljekarskog uvjerenja izdatog od strane odjeljenja za medicinu rada i zdravstvenu zaštitu radnika ovlaštene zdravstvene ustanove.
- (4) Mjere zaštite koje provodi Ministarstvo i koje se odnose na sigurnost i zaštitu zdravlja na radu ne smiju radnicima prouzrokovati finansijske obaveze.

Član 10.

(Preventivne mjere)

- (1) Ministarstvo osigurava slijedeće preventivne mjere radi zaštite života i zdravlja radnika:
 - a) održavanje u ispravnom stanju i vršenje pregleda i ispitivanja sredstava za rad;
 - b) obezbjeđivanje adekvatnih uslova radne okoline;
 - c) osposobljavanje radnika za siguran i zdrav rad;
 - d) obezbjeđivanje sredstava i opreme za ličnu zaštitu na radu i njihovo održavanje u ispravnom stanju,

e) upućivanje radnika na sistemske preglede minimalno jednom u 4 (četiri) godine kod specijaliste medicine rada;

f) upućivanje radnika na ciljani pregled u ovlaštenu zdravstvenu ustanovu ukoliko se ukaže potreba za tim.

- (2) Ministarstvo će na mjestima rada istaći pisana uputstva koja se odnose na rizike po sigurnost i zdravlje sa zaštitnim i preventivnim mjerama koje se preduzimaju za otklanjanje ili smanjenje tih rizika, a u slučaju iznenadne opasnosti po život i zdravlje, takvo uputstvo se može dati i usmeno.

Član 11.

(Lična zaštitna oprema)

U skladu sa Aktom o procjeni rizika utvrđeno je da radna mjesta u Ministarstvu ne zahtijevaju korištenje lične zaštitne opreme.

Član 12.

(Upotreba protivpožarnih aparata)

- (1) Stručna služba za zajedničke poslove radnicima obezbjeđuje upotrebu protivpožarnih aparata kao sredstava i opreme zaštite od požara.
- (2) Radnici u toku osposobljavanja za siguran i zdrav rad prolaze posebnu obuku o propisima iz oblasti zaštite od požara, kao i o načinu upotrebe i rukovanju protivpožarnim aparatima i evakuaciji u slučaju požara.
- (3) Stručna služba za zajedničke poslove osigurava da se protivpožarni aparati održavaju u ispravnom stanju.

Član 13.

(Osposobljavanje radnika)

- (1) Ministarstvo će osposobiti radnike za siguran rad, a poslove osposobljavanja povjerava ovlaštenoj organizaciji iz člana 64. Zakona o zaštiti na radu.
- (2) Ministarstvo jednom u dvije godine organizuje obuku i provjeru znanja radnika iz oblasti zaštite od požara u skladu sa Zakonom o zaštiti od požara i vatrogastvu ("Službene novine Federacije BiH", broj 64/09).

Član 14.

(Savjetovanje i uključivanje radnika)

Ministarstvo se savjetuje sa radnicima i njihovim predstavnicima i omogućava im da učestvuju u raspravama o svim pitanjima u pogledu sigurnosti i zaštite zdravlja na radu, a posebno im omogućava da učestvuju u:

- a) raspravama i odobravanju svih mjera u pogledu sigurnosti i zaštite zdravlja na radu;
- b) svakoj mjeri koja može značajno uticati na sigurnost i zaštitu zdravlja na radu;
- c) imenovanju radnika koji će obavljati poslove vezane za obezbjeđenje zdravih i sigurnih uvjeta rada, prve pomoći, gašenje požara i evakuaciju radnika;
- d) angažovanju, tamo gdje je potrebno, ovlaštenih organizacija za zaštitu na radu;
- e) planiranju i organizovanju osposobljavanja radnika u oblasti zaštite na radu.

Član 15.

(Radnici za mjere prve pomoći, protivpožarne zaštite i evakuacije radnika)

- (1) Ministarstvo će radi provođenja odredbi člana 36. stav (1) Zakona o zaštiti na radu na mjestima rada u ul. Reisa Džemaludina Čauševića broj 1, Sarajevo, i ul. Branilaca

Sarajeva broj 21, Sarajevo, imenovati radnike za mjere prve pomoći, protivpožarne zaštite i evakuacije radnika.

- (2) Radnici za mjere prve pomoći, protivpožarne zaštite i evakuacije radnika će povodom pitanja vezanih za provođenje odredbi člana 36. stav (1) Zakona o zaštiti na radu sarađivati sa Stručnom službom za zajedničke poslove u pitanjima koja spadaju u nadležnost te službe.

POGLAVLJE V - OSTALE ODREDBE

Član 16.

(Obavješćavanje sindikata)

- (1) Ministarstvo najmanje dva puta godišnje obavještava Samostalni sindikat državnih službenika i namještenika Kantona Sarajevo, kao i Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine o rizicima po sigurnost i zdravlje i mjerama koje je preduzeo i koje planira da preduzme radi unaprijeđivanja sigurnosti i zaštite zdravlja.
- (2) Obavješćenja iz stava (1) ovog člana dostavljaju se sindikatima iz stava (1) ovog člana do 31.07. za prvu polovinu tekuće godine i do 31.12. za drugu polovinu tekuće godine.
- (3) Ministarstvo će posebno obavijestiti i savjetovati se sa predstavnicima radnika i sa radnicima nakon smrtnog, grupne ili teške povrede na radu, utvrđenog slučaja profesionalnog oboljenja kao i u slučaju da nadležna inspekcija utvrdi nedostatak u primjeni mjera zaštite na radu.

Član 17.

(Vođenje evidencija)

Ministarstvo vodi evidenciju o:

- provjeri znanja radnika iz oblasti sigurnosti i zaštite na radu;
- održanim obukama o propisima iz oblasti zaštite od požara;
- izvršenim pregledima i ispitivanjima radne sredine i sredstava za rad;
- povredama na radu, profesionalnim oboljenjima, smrtnim slučajevima i njihovim uzrocima,
- ljekarskim pregledima radnika.

Član 18.

(Dostavljanje izvještaja o povredi na radu i profesionalnom oboljenju)

- (1) Ministarstvo će dostaviti izvještaj o povredi na radu koja se dogodi i profesionalnom oboljenju koje nastane na radnom mjestu, radniku koji je pretrpio povredu, odnosno kod kojeg je nastalo oboljenje, nadležnom zavodu zdravstvenog osiguranja kod kojeg je radnik zdravstveno osiguran, kao i nadležnoj inspekciji rada, u roku od sedam dana od dana pretrpljene povrede odnosno nastanka oboljenja.
- (2) Izvještaj iz stava (1) ovog člana podnosi se na obrascu čiji sadržaj i način podnošenja propisan Pravilnikom o sadržaju i načinu podnošenja izvještaja o povredi na radu i profesionalnoj bolesti ("Službene novine Kantona Sarajevo", broj 9/23).

Član 19.

(Obaveza obavješćavanja inspekcije rada)

- (1) Ministarstvo će o svakom smrtnom slučaju, težoj povredi na radu, profesionalnom oboljenju i svakoj pojavi koja bi mogla ugroziti život ili zdravlje radnika na radu odmah

obavijestiti Kantonalnu upravu za inspekcijske poslove - Inspektorat rada, zaštite na radu i socijalne zaštite.

- (2) Za svaku povredu na radu Ministarstvo je dužno pozvati neposrednog rukovodioca povrijeđenog radnika.

POGLAVLJE VI - PRIJELAZNE I ZAVRŠNE ODREDBE

Član 20.

(Primjena propisa)

Na sva pitanja koja nisu regulisana odredbama ovog pravilnika, primjenjuju se važeći propisi koji se odnose na zaštitu na radu.

Član 21.

(Stupanje na snagu)

Ovaj pravilnik stupa na snagu narednog dana od dana objave u "Službenim novinama Kantona Sarajevo".

Broj 13-05/1-02-41967-6/25

19. septembra 2025. godine
Sarajevo

Ministrica
Enda Pavić Pečenковиć, s. r.

GRAD SARAJEVO

Gradonačelnik

Na osnovu člana 41. Statuta Grada Sarajeva ("Službene novine Kantona Sarajevo", broj 7/23), člana 9., člana 17a. i člana 28. Odluke o priznanjima i nagradi Grada Sarajeva ("Službene novine Kantona Sarajevo", broj 34/10 - prečišćeni tekst, 14/14, 31/14, 11/20, 16/22 i 22/22 - ispravka), gradonačelnik Grada Sarajeva donosi

ODLUKU

O DODJELI PRIZNANJA - ZAHVALNICA GRADA SARAJEVA

Član 1.

Dini Pašoviću, dugogodišnjem bosanskohercegovačkom hokejaškom golmanu, predsjedniku uprave HK "Medvjedi" Sarajevo i potpredsjedniku Hokejaškog saveza BiH, dodjeljuje se priznanje - Zahvalnica Grada Sarajeva kao znak zahvalnosti Grada Sarajeva za promociju razvoja sporta i njegove afirmacije među mladim sportskim talentima iz BiH i njihovog povezivanja sa dijasporom, a na koji način je dat doprinos širenju zajednice hokeja i doprinos imidžu grada Sarajeva kao sportske sredine i mjesta ugodnog življenja.

Član 2.

Gradonačelnik Grada Sarajeva će Zahvalnicu Grada Sarajeva, u obliku svečane diplome, uručiti prilikom zvaničnog susreta u službenim prostorijama Vijećnice, dana 17.09.2025. godine, o čemu će se izdati potvrda.

Član 3.

Ova odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01/14-04-4820/25

09. septembra 2025. godine
Sarajevo

Gradonačelnik
Samir Avdić, s. r.

OPĆINA CENTAR SARAJEVO

Općinski načelnik

Na osnovu člana 60. i 61. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 09/14, 13/14, 08/15, 91/15, 102/15, 104/16, 5/18, 11/19, 99/19 i 25a/22), člana 15. Zakona o principima lokalne samouprave u Federaciji BiH ("Službene novine